

Sarajevo, 28.02.2025.

**Privremeni Izvještaj o realizaciji Impakt inkubatora poslovnih ideja na području grada Bijeljina 2024**

Broj protokola:

Datum: 28.2.2025. godine

**P R E D M E T:** Izvještaj o realizaciji IMPAKT inkubator poslovnih ideja Grad Bijeljina, dostavlja se-

Poštovani,

u skladu sa Ugovorom o saradnji potpisanim između Investicijske fondacije Impakt i Grada Bijeljina, dostavljamo Vam detaljan izvještaj o provedenim aktivnostima u okviru Programa IMPAKT Inkubator poslovnih ideja na području grada Bijeljina u 2024. godini.

Predmetni izvještaj obuhvata period 31.7.2024. – 28.02.2025. Kako je proces realizacije stručne i mentorske podrške kao i korištenja bespovratne finansijske podrške u toku, dostavlja se pregled do sada realiziranih aktivnosti.

Izvještaj obuhvata sve ključne aspekte realizacije Programa, uključujući učešće preduzetnika, njihova postignuća, kao i lokalne samouprave u jačanju peduzetničkog ekosistema. Ovaj izvještaj pruža uvid u ostvarene rezultate, postignute ciljeve i planirane buduće aktivnosti, a sve u cilju unapređenja preduzetništva i ekonomske održivosti u lokalnoj zajednici.

Uz izvještaj, elektronskom poštom (link za dokumentaciju [https://drive.google.com/drive/folders/1KieF8pnE8AY8FiBHFQXNE-aFMxQ-3zpH?usp=drive\\_link](https://drive.google.com/drive/folders/1KieF8pnE8AY8FiBHFQXNE-aFMxQ-3zpH?usp=drive_link) – biće dostupan narednih 7 dana za download) i na USB mediju dostavljamo Vam prateću dokumentaciju koja uključuje liste učesnika, fotografije događaja, agende održanih radionica i drugih aktivnosti, kao i ostalu relevantnu dokumentaciju. Ova dokumentacija pruža dodatni uvid u realizaciju i uspjehe Programa.

U slučaju dodatnih pitanja ili potreba za pojašnjenjima, stojimo Vam na raspolaganju te nam se možete obratiti putem elektronske pošte na [senajid.dozo@impakt.ba](mailto:senajid.dozo@impakt.ba) ili poštom na našu adresu.

Senajid Đozo, Izvršni direktor



Dostavlja se:

- Grad Bijeljina, Odjeljenje za lokalni ekonomski razvoj i evropske integracije

## Sadržaj

Raspisivanje javnog poziva za učešće, zainteresovanim osobama iz lokalne zajednice.....	4
Selekcija polaznika za učešće u programu .....	4
Realizacija preduzetničke obuke za odabranu grupu polaznika Impakt Inkubatora poslovnih ideja .....	5
Mentorstvo u izradi poslovnog plana.....	5
Javno predstavljanje i selekcija poslovnih ideja.....	6
Kontinuirana mentorska podrška .....	6
Procedura realizacije finansijske podrške .....	17
Tehnička podrška u uspostavi lokalnih partnerstava za preduzetništvo i zapošljavanje..	17
Aneks 1: Lista polaznika Impakt Inkubatora poslovnih ideja na području grada Bijeljina 2024 .....	19

Dosadašnje aktivnosti su realizovane u skladu sa planiranom dinamikom što uključuje:

#### Raspisivanje javnog poziva za učešće, zainteresovanim osobama iz lokalne zajednice

##### Opis provedenih aktivnosti

U skladu s Ugovorom o partnerstvu između grada Bijeljina i Investicijske fondacije Impakt na području Bijeljine realizovan je Impakt inkubator poslovnih ideja u 2024. godini. Voditelj ove aktivnosti bila je Investicijska fondacija Impakt uz podršku Grada Bijeljina, koja je osigurala tekst Javnog poziva te distribuirala informaciju o programu podrške kroz svoje kanale komunikacije zajedno sa gradskom upravom i na zvaničnoj web-stranici i drugim kanalima komunikacije.

Javni poziv za učešće u IMPAKT inkubatoru poslovnih ideja Bijeljina je trajao do 31.8.2024. i produžen je do 23.09.2024. godine. Ukupan broj prijava na Javni poziv je bio 27.

#### Selekcija polaznika za učešće u programu

Selekcija polaznika je provedena u skladu sa kriterijima koje je razvila Investicijska fondacija Impakt. U članstvu komisije za odabir polaznika učestvovali su predstavnici Fondacije Impakt i Grada Bijeljina. Kao rezultat odabira, formirane su dvije grupe imajući u vidu da je ukupan broj prijava 27. Sačinjen je zapisnik i kreirana Lista za provjeru ispunjavanja administrativnih uslova za učešće u programu Impakt inkubator poslovnih ideja grada Bijeljina te su sve strane potpisale isti.

## Realizacija preduzetničke obuke za odabranu grupu polaznika Impakt Inkubatora poslovnih ideja

Preduzetnička obuka u okviru IMPAKT inkubatora poslovnih ideja Bijeljina je realizovana u periodu od 5.10. do 11.11. 2024.godine prema posebno razvijenoj metodologiji od strane Investicijske fondacije Impakt, podijeljena u 9 modula koja se provode kroz 6 dana obuke, uz dodatni dan posvećen temi javnog predstavljanja poslovne ideje partnerima na projektu.

U skladu sa očekivanjima, tokom treninga došlo je do smanjenja grupe učesnika tako da je u konačnici 14 učesnika uspješno završilo obuku a 11 predstavilo svoje poslovne ideje.



*Slika 1: Preduzetnička obuka Bijeljina, 2024*

## Mentorstvo u izradi poslovnog plana

Svim polaznicima programa podrške pružena je personalizirana podrška u izradi poslovnog plana, poslovnog modela i finansijskih projekcija tokom obuke. Korisnicima su putem Google drive-a bili dostupni formati ovih dokumenata sa osnovnim uputstvima za popunjavanje.

Nakon izrade nacrt, svakom polazniku su u više krugova osigurani komentari od strane stručnjaka iz ove oblasti. Intenzitet podrške je zavisio od spremnosti polaznika da uloži trud u izradu kvalitetnog poslovnog plana te karakteristikama samog poduhvata: veći intenzitet podrške je osiguran većim poslovnim poduhvatima od kojih se očekuje kreiranje većeg broja radnih mjesta.

### Javno predstavljanje i selekcija poslovnih ideja

Javni događaj predstavljanja poslovnih ideja održan je 06.12.2024. u Bijeljini. Ocjenjivanje poslovnih poduhvata provela je stručna komisija od tri člana, u čijem radu su učestvovali predstavnici Grada Bijeljina, Investicijske fondacije Impakt i Fakulteta poslovne ekonomije Bijeljina.

Na događaju je predstavljeno 11 poslovnih ideja. Ukupno 9 učesnika steklo je pravo na podnošenje zahtjeva za dodjelu bespovratne finansijske podrške u okviru programa, dok dva učesnika nisu stekla pravo na podnošenje zahtjeva za dodjelu bespovratne finansijske podrške. Naime, 1 učesnica je konstatovala tokom prezentacije da će registrovati dopunsku djeltanost, odnosno nije planirala registraciju poslovnog poduhvata odnosno oblika registracije poslovnog poduhvata prihvatljivog za korištenje finansijske podrške te stoga nema pravo na korištenje bespovratne finansijske podrške ali ima pravo na korištenje stručne i mentorske podrške. Učesnik Aleksandar Marić nije stekao dovoljan broj bodova da bi poslovna ideja bila podržana za korištenje bespovratne finansijske podrške.

Rang lista prezentiranih poslovnih ideja u okviru IMPAKT inkubatora poslovnih ideja grada Bijeljina je potpisana od strane sva tri člana, te je svaki član zadržao svoj primjerak.



*Slika 2: Finalna prezentacija IMPAKT inkubator poslovnih ideja Bijeljina 2024*

### Kontinuirana mentorska podrška

Na svakodnevnoj osnovi tim Investicijske fondacije Impakt pruža konsultativnu i mentorsku podršku učesnicima inkubatora u razvoju poslovnih poduhvata i unapređenju poslovanja. Vršiti se analiza potreba za stručnom i mentorskom podrškom te u skladu sa

navedenim pruža stručna i mentorska podrška uspostavljenim poslovnim poduhvatima. U kontekstu stručne i mentorske podrške, ne samo za grupu preduzetnika iz 2024. nego i ranije grupe preduzetnika, u dosadašnjem periodu realizirane su sljedeće aktivnosti:

### **Festival savremene žene**

U okviru aktivnosti na pružanju stručne i mentorske podrške za učesnike IMPAKT inkubator poslovnih ideja, Investicijska fondacija Impakt je i 2024. godine organizirala aktivnosti i bila dio organizacije 7. Festivala savremene žene koji se u Tuzli održao od 6. do 9. juna 2024. godine. U skladu sa misijom i oblasti djelovanja, Fondacija Impakt bila je specijalni partner Festivala te je u okviru Festivala održana posebna sesija sa ciljem umrežavanja i promocije preduzetnica iz IMPAKT inkubatora poslovnih ideja, ali i programa Odvažne i hrabre kojeg Fondacija Impakt realizira u saradnji sa kompanijom Bingo. U subotu, 08.06.2024. godine održana je mentoring i networking sesija Powered by Impakt koju je moderirala ekspertica za razvoj poduzetništva u Investicijskoj fondaciji Impakt – Mirela Omerović. Teme i govornice sesije bile su:

- IMPAKT: Ishrana i žensko zdravlje. Mirha Skakić, vlasnica, Nutricionističkog centra Nutrisano, BiH – preduzetnica iz IMPAKT inkubatora poslovnih ideja Tuzla
- IMPAKT: Balans i samopouzdanje žene. Arijana Moranjkić Ibrić, vlasnica, 2BeFit studio, BiH - preduzetnica iz IMPAKT inkubatora poslovnih ideja Srebrenik Slađana Lukić, vlasnica, **Slaki Fitness studio, BiH – preduzetnica iz IMPAKT inkubatora poslovnih ideja Bijeljina**
- IMPAKT: Mentalno zdravlje kroz psihoterapiju. Meliha Fejzić, vlasnica, Psihoterapija Meliha Fejzić, BiH - preduzetnica iz programa Odvažne i hrabre
- IMPAKT: Manuelna terapija, zdravlje žene Monika Tomić, vlasnica Ordinacija za osteopatiju Osteovita, BiH - preduzetnica iz programa Odvažne i hrabre

Isti dan, dodijeljena je i nagrada Super žena, koja se dodjeljuje uspješnim ženama iz cijele BiH, a nagradu su ove godine primile učesnice IMPAKT inkubatora poslovnih ideja:

- Arijana Moranjkić Ibrić, Srebrenik
- **Sladana Lukić, Bijeljina**
- Mirha Skakić, Tuzla



Slika 3. Festival savremene žene Tuzla 2024

### **Obuka „Upravljanje projektnim ciklusom (PCM) – osnovni nivo“**

U svrhu jačanja kapaciteta iz oblasti pisanja i pripreme projekata Investicijska fondacija IMPAKT organizovala je ciklus mentoring radionica, odnosno dvodnevnu obuku koje je vodio istaknuti stručnjak iz Hrvatske, gospodin Vitomir Vela. Ova obuka pružila je jedinstvenu priliku za sticanje praktičnih znanja i vještina u planiranju, implementaciji i evaluaciji projekata. Teme koje su obrađene tokom obuke su: razumijevanje projektnog ciklusa, analiza i definisanje problema, postavljanje ciljeva i ishoda, planiranje i dizajn projekta, izrada plana aktivnosti i budžeta, monitoring i evaluacija, upravljanje rizicima i sl.

Obuka/radionica je bila namijenjena preduzetnicima iz IMPAKT inkubatora poslovnih ideja ali su pozvani i predstavnici partnerskih institucija (gradova/općina, javnih institucija i sl.) da učestvuju na obuci.



Obuka je održana 06. i 12.11.2024. godine u Tuzli na hibridni način, odnosno uživo i online, te je, dakle, tokom obuke, osiguran live YouTube prenos obuke za sve učesnike inkubatora i partnere koji nisu mogli fizički prisustvovati obuci.



*Slika 4. PCM obuka osnovni nivo, Tuzla, 2024*

Pored obuke, angažovani stručnjak je pružio i stručnu i mentorsku podršku učesnicima obuke, kroz davanje povratnih informacija na zadatke u okviru vježbi koje su korištene kao i odgovorima na pitanja učesnika.

### **Međunarodni sajam poljoprivrede i prehrambene industrije – Sajam šljive Gradačac**

Međunarodni sajam poljoprivrede i prehrambene industrije -Sajam šljive u Gradačcu održan je u periodu od 28.8. -31.8.2024. godine. Na oko 5000 metara kvadratnih predstavilo se preko 300 izlagača iz Bosne i Hercegovine, zemalja regiona, Njemačke i Turske. Organizator ove tradicionalne sajamske manifestacije bila je Turistička zajednica grada Gradačca, uz podršku Grada Gradačca i brojnih partnera i sponzora. Investicijska fondacija Impakt je sudjelovala na međunarodnom sajmu poljoprivrede i prehrambene industrije -Sajam šljive u Gradačcu, a sajam je pružio izvanrednu priliku za umrežavanje, razmjenu iskustava i, naravno, prodaju.



*Slika 5.- Međunarodni sajam u Gradačcu*

### **Sajam jagode u Čeliću - „Dani jagodastog voća“**

U periodu 10. 5. -11. 5. 2024. godine, općina Čelić bila je domaćin “Dana jagodastog voća BiH”, događaja koji je okupio preduzetnike kako bi predstavili svoje proizvode i uspostavili poslovne kontakte.

Investicijska fondacija Impakt je sudjelovala na sajmu u saradnji s Ministarstvom za kulturu, sport i mlade TK a sajam je pružio izvanrednu priliku za umrežavanje, razmjenu iskustava i, naravno, prodaju.

Posjetitelji su imali priliku probati i kupiti raznolike proizvode od jagodastog voća, uključujući svježe jagode, džemove, sokove i mnoge druge proizvode. Sajam je također bio prilika za promociju lokalnih proizvođača i njihovih proizvoda te podizanje svijesti o važnosti podrške domaćoj poljoprivredi i prehrambenoj industriji.



*Slika 6. Učesnici sajma sa ministrom MKSM TK i predstavnicom Impakt fondacije*

## Podrži raju u svom kraju

Kampanja "Podrži raju u svom kraju", koju je Investicijska fondacija Impakt pokrenula 8. novembra 2024. godine, s ciljem podizanja svijesti o važnosti podrške malim proizvođačima i preduzetnicima, postigla je izuzetne rezultate i izazvala veliki interes javnosti. Kampanja je trajala do 27. decembra 2024. godine i imala za cilj istaknuti ključnu ulogu malih preduzetnika u izgradnji i održavanju zajednice, te im pomoći da se afirmišu u konkurentnom tržištu.

Ova društveno odgovorna inicijativa bila je prva kampanja ove vrste i ponudila je svim malim preduzetnicima priliku da unaprijede vidljivost svojih proizvoda i usluga. Kampanja je izazvala veliki odjek, a ključni segmenti uključivali su aktivnu promociju na društvenim mrežama, medijsku kampanju, outdoor kampanju s bilbordima, te saradnju s velikim kompanijama koje su podržale inicijativu dajući popuste malim preduzetnicima.



### KV kampanje podrži raju u svom kraju

Učestvovalo je više od 100 malih preduzetnika, koji su kroz originalne video sadržaje i objave pozivali zajednicu na podršku lokalnim biznisima. Snimljeno je mnoštvo inspirativnih videozapisa koji su dodatno motivirali publiku na angažman i akciju. Kampanja je postigla ogroman doseg, s više od 2.3 miliona pregleda na društvenim mrežama, a za 12 preduzetnika snimljeni su i TV prilozima koji su emitovani na Hayat televiziji,

što je omogućilo širu dostupnost informacija, uključujući i publiku koja rjeđe koristi društvene mreže.

#### Hayat videa

Redni broj	Ime i prezime	Naziv biznisa	Link za video
1.	Enes Beganović	Bekart Zavidovići	<a href="https://tinyurl.com/2ygvuplx">https://tinyurl.com/2ygvuplx</a>
2.	Dino Bratić	Kobra Bosanska Krupa	<a href="https://tinyurl.com/29k69pl2">https://tinyurl.com/29k69pl2</a>
3.	Melisa Selak Hodo	Drina Riverzone Goražde	<a href="https://tinyurl.com/2373aykg">https://tinyurl.com/2373aykg</a>
4.	Lejla Burgić	EduLand Tuzla	<a href="https://youtu.be/G8Pr-Js383g">https://youtu.be/G8Pr-Js383g</a>
5.	Denis Cakić	Grand River Konjic	<a href="https://tinyurl.com/26vbk5zd">https://tinyurl.com/26vbk5zd</a>
6.	Maida i Mirsad Imširović	Logomedical i Maclift Srebrenik	<a href="https://tinyurl.com/26vbk5zd">https://tinyurl.com/26vbk5zd</a>
7.	Azra Mešić	Triton produkcija Banovići	<a href="https://tinyurl.com/2dclf8ov">https://tinyurl.com/2dclf8ov</a>
8.	Demir Muminović	World Proboile Tuzla	<a href="https://tinyurl.com/24f6uxv6">https://tinyurl.com/24f6uxv6</a>
9.	Taib Selimović	Sportska oprema Winner Živinice	<a href="https://tinyurl.com/25xrcv89">https://tinyurl.com/25xrcv89</a>
<b>10.</b>	<b><u>Vanja Manojlović</u></b>	<b><u>Grooming salon Barth Bijeljina</u></b>	<b><a href="https://tinyurl.com/29lacedd">https://tinyurl.com/29lacedd</a></b>
11.	Tijana Dabić	Tradigital Brčko	<a href="https://tinyurl.com/28l3smes">https://tinyurl.com/28l3smes</a>
12.	Asmir Kavaz	Kavaz travel Banovići	<a href="https://tinyurl.com/2xl539sq">https://tinyurl.com/2xl539sq</a>

Kampanja je ostvarila značajan angažman, s više od 16.000 interakcija na društvenim mrežama, a hashtag #podziraju na Googleu zabilježio je čak 9.910 pretraga, što jasno potvrđuje visoki interes i angažman javnosti. Kroz objavljivanje 15 profesionalnih videa i 12 TV emisija, preduzetnici su prvi put stali pred kamere, što je veliki korak u povećanju njihove vidljivosti i prepoznavanja njihove važnosti u zajednici.

Outdoor kampanja bila je jednako uspješna, s više od 30 bilborda postavljenih širom Bosne i Hercegovine, uključujući gradove kao što su Sarajevo, Mostar, Zenica, Tuzla, Gračanica, Živinice i Bijeljina. Bilbordi su dodatno osnažili poruku kampanje, dosegnuviši širu publiku.

U gradu Bijeljina postavljen je billboard koji je predstavio 3 preduzetnice iz IMPAKT inkubatora poslovnih ideja **Bijeljina**: Vanju Manojlović, Sandru Vlahović Senić i Evgeniju Nikolić.



*Slika 7. Podrži raj u svom kraju - Bijeljina*

Na web stranici kampanje ostvareno je impresivnih 1.38 miliona impresija, što ukazuje na visoku zainteresovanost i angažman. Kampanju su podržali i influenseri, koji su snimili videe u kojima su dijelili svoja iskustva i pozivali na podršku malim preduzetnicima.

Kroz ovu kampanju, Investicijska fondacija Impact nije samo podigla svijest o važnosti kupovine i korištenja usluga malih preduzetnika, već je stvorila pozitivnu dinamiku koja je značajno doprinijela jačanju lokalnih zajednica i održivom razvoju. Snažni rezultati ove inicijative svjedoče o njenom uspjehu i dugoročnoj vrijednosti za lokalne zajednice.

### Welcome to the Future 3.0

Treću godinu zaredom organiziramo događaj "Welcome to the Future", a ovogodišnji događaj bio je poseban jer je prvi put uključivao grupu preduzetnika iz IMPAKT Akceleratora. Ukupno osam vlasnika uspješnih biznisa predstavilo je svoje inovativne poslovne ideje pred publikom i stručnjacima iz područja poduzetništva.



Preduzetnici i preduzetnice koji su predstavili svoje poslovne modele i scale up prezentacije dobili su opsežno mentorstvo. Razvijeno je osam poslovnih modela koji su održivi i sadrže elemente zelene ekonomije.

Jedan od ciljeva događaja je, između ostalog, podsticanje saradnje, partnerstva i stvaranje ekosistema podrške za mala preduzeća i startapove kao i povećanje uspjeha poslovanja unutar preduzetničke zajednice povezivanjem preduzetnika s investitorima, mentorima i stručnjacima iz industrije.

Prvi dio "Welcome to the Future" bio je rezervisan za prezentaciju Analize o razvoju preduzetništva u Bosni i Hercegovini kao i za panel "Game Shapers – od ideje do impakta" u kojem su sudjelovali: Damir Gazdić, ministar za kulturu, sport i mlade TK, Edin Duraković, ministar privrede TK; Adnan Bjelić, gradonačelnik Srebrenika, Kenan Hrustavnović, Direktor odjela za poslovanja sa malim preduzetnicima ProCredit Banka i Nedim Hadžić, izvršni direktor Bloomteq kompanije.



Slika 8. Welcome to the Future 3.0

Drugi dio događaja bio je posvećen prezentacijama preduzetnika, a osam preduzetnika predstavilo je svoje projekte. Među njima su bili Nihad Hadžihasanović i Damir Mujkić iz Therm Matera, firme koja se bavi trgovinom opreme za centralno grijanje, klimatizaciju i vodoinstalacije, a uskoro planiraju proširenje na tržište solarnih panela. Edin Dedić iz Turbo Teama, koji ima ambiciju postati vodeći brend u Bosni i Hercegovini za proizvodnju, reparaciju i prodaju turbopunjača. Ema Trnovljaković i Amela Nikolić iz Bariste, koja planira proširiti ponudu uvođenjem vlastite proizvodnje sladoleda i nastaviti biti lider u turističkoj i ugostiteljskoj djelatnosti Tuzlanskog kantona. Fadil Ljubović iz Felah Studija, dizajnerske proizvodnje namještaja, koji želi unaprijediti poslovanje kroz nabavku nove opreme. Bojan Tuševljaković iz Botanice, koji se fokusira na razvoj inovacija u oblasti proizvodnje biljnih preparata i ekoloških rješenja. Edis Kavgić iz Smajlović Companya, koji planira implementaciju softverske podrške za praćenje zaliha i optimizaciju webshop prodaje. Edis Hodžić iz Edoma, s idejom o proizvodnji prenosivih solarnih elektrana i montaži solarnih sistema za napajanje toplotnih pumpi i klima uređaja. Asmir Memić iz 3M Solutions, koji se bavi proizvodnjom namještaja i planira proširenje usluga uz nabavku novih CNC mašina. Obzirom da su ispunili kriterije programa IMPAKT Akcelerator, svima je odobrena bespovratna finansijske podrške u iznosu do 19.999,99 KM.



Samom događaju sudjelovalo je preko 150 osoba.

Uručili smo i priznanja IMPAKT ambasador preduzetnicima i preduzetnicama koji su dali svoj doprinos promociju preduzetništva i Investicijske fondacije Impakt a priznanja su dobile i **Vanja Manojlović i Sandra Vlahović Senić, preduzetnice iz Bijeljine.**

### **Grupni i individualni mentoring**

U sklopu mentoring podrške za učesnike IMPAKT inkubatora poslovnih ideja Bijeljina 13.2.2025. godine, održan je i grupni mentoring sastanak kako bi se dodatno stekao uvid u status biznisa i pružila stručna i mentorska podrška. Tokom sastanka utvrđena je potreba za dodatnom promotivnom podrškom biznisima iz inkubatora Bijeljina te dogovorena online mentoring sesija sa Elvedinom Obuća, eksperticom za digitalni marketing, koja je održana 19.2.2025. godine.




Slika 9. Grupni i individualni mentoring IMPAKT Bijeljina 2024

## Promotivna podrška

Tokom 2024. godine Investicijska fondacija Impakt osigurala je i promotivnu i mentorsku podršku u izradi web stranica za preduzetnike iz inkubatora. Cilj mentorske podrške u izradi web stranice bio je osigurati da preduzetnici dobiju stručno vođenje kroz proces kreiranja funkcionalne, estetski privlačne i efikasne online platforme, dok se kroz dio Blog nastojalo osigurati širenje znanja iz djelatnosti preduzetnika ali i preduzetništva kroz redovne objave na web stranicima.

Učesnica IMPAKT inkubatora poslovnih ideja Bijeljina Violeta Krajišnik je podržana u okviru navedene aktivnosti te je izrađena web stranici na linku [www.etnoperfektno.com](http://www.etnoperfektno.com)







Slika 10. Web stranica Etno perfektno preduzetnice Violete Krajišnik izrađena u okviru mentorske podrške Fondacije Impakt

Investicijska fondacija Impakt kontinuirano promovira preduzetnike i kreira im prilike za medijsko gostovanje čime smo značajno doprinijeli vidljivosti programa koji se realizira u saradnji s Gradom Bijeljina

#### Procedura realizacije finansijske podrške

Dodjela bespovratne finansijske podrške vrši se prema principu refundacije na račune registrovanih poslovnih subjekata po dostavljanju dokaza o utrošku sredstava za pokretanje biznisa, nabavku opreme i sirovina i/ili uređenje poslovnog prostora od strane istih.

S obzirom da su učesnici IMPAKT inkubatora poslovnih ideja Bijeljina 2024. u trenutku izrade ovog izvještaja u fazi podnošenja zahtjeva za dodjelu bespovratne finansijske podrške Ugovori o dodjeli bespovratne finansijske podrške su trenutno potpisani sa 1 od 9 preduzetnika.

#### Tehnička podrška u uspostavi lokalnih partnerstava za preduzetništvo i zapošljavanje

Radni sastanci koordinatora IMPAKT inkubatora i akceleratora poslovnih ideja je održani su od 15. do 17. maja 2024. godine (Bjelašnica) i od 17. do 19. decembra 2024. godine.

Sastanku su prisustvovali koordinatori iz lokalnih zajednica u kojima je u toku protekle godine realizovan inkubator poslovnih ideja, te su također učestvovali i predstavnici Vlade Tuzlanskog kantona, i to Ministarstva privrede i Ministarstva za kulturu sport i mlade Tuzlanskog kantona. U maju prisustvovalo 21, dok je u decembru prisustvovalo 18 učesnika, od kojih i predstavnici Grada Bijeljina.

Glavna tema bila je buduća perspektiva inkubatora, gdje smo diskutovali o identifikaciji aktera na lokalnom nivou kroz matricu uticaja, a urađena je i analiza identificiranih aktera te definisani su naredne koraci za IMPAKT inkubator i Akcelerator.



*Slika 11. Sastanak koordinatora, maj 2024*

Također, fokus je bio na EU fondovima i statusu Bosne i Hercegovine kao zemlje kandidatkinje. Kroz brojne studije slučaja o uspješnom korištenju EU fondova u Hrvatskoj, učesnicima je približen način na koji mogu iskoristiti mogućnosti koje će uskoro biti dostupne za BiH. Učesnici su takođe radili na identifikaciji i razvoju projektnih ideja za jačanje lokalne privrede i preduzetništva, te su analizirali usklađenost ovih ideja sa strateškim dokumentima EU. Predstavljeni su im i pojedinačni program EU koje mogu koristiti, a na konkretnim primjerima su radili na razradi projektnih ideja za svoje lokalne zajednice.



*Slika 12. Sastanak koordinatora, decembar 2024.*

Investicijska fondacija Impakt ulaže napore da održi kontinuiranu komunikaciju i jača odnose sa lokalnim zajednicama kako zbog trenutnih programa tako i zbog budućih projekata.

### Aneks 1: Lista polaznika Impakt Inkubatora poslovnih ideja na području grada Bijeljina 2024

R.br.	Ime i prezime učesnika	Poslovna ideja	Završena obuka
1	Nedica Milivojević	Montaža ograda od PVC ili pocinčane ograde	DA
2	Ljubica Milovanović	Modeli ulaganja u industriju cvijeća	DA
3	Milica Marilović	Agencija za savjetovanje Mis	NE
4	Tanja Mičić	Rođendaonica/igraonica	NE
5	Aleksandar Marić	MSHOP group	DA
6	Danica Tolj	Predškolska ustanova Klub za djecu	DA
7	Milica Nikolić	Proizvodnja proizvoda srpske tradicije (odjeca, dodaci), kao i srpskih tradicionalnih jela (ketering)	NE
8	Maja Prodanovic	Agencija za savetovanje u prehrambenoj industriji	NE
9	Mladen Marinković	Instalacija solarnih panela - elektrana	NE
10	Boriša Vidaković	Veterinarska ambulanta	DA
11	Panto Pantić	Predškolska ustanova Klub za djecu	DA
12	Ivana Grahovac/Snježana Tešnjak	Digitalna transformacija malih preduzetnika.	DA
13	Mirko Čičić	Proširenje kafe bara na pet friendly	NE
14	Diko Despotović	Ugradnja i održavanje toplotnih pumpi	NE
15	Zdravko Perić	Farma koka nosilja iz slobodnog uzgoja "Farma 5 jaja"	DA
16	Bojana Jelić	Privatni Klub za djecu sa salom	DA
17	Valentina Vidaković	Književna radionica	DA
18	Milan Marinković	Servis vrtnih masina	DA

19	Rada Mičić	Pedagoški raj prodavnicu igračaka i didaktičkog materijala	NE
20	Tanja Mičić	Kozmetički salon - proširenje na distribuciju i edukacije	DA
21	Dusanka Schuerger	Izrada domaćih sapuna	NE
22	Aleksandar Miloradović	Otvaranje studija za snimanje muzike, sinhronizacije, recitacija	NE
23	Jasmin Babić	Uzgoj kalifornijskih glista	DA
24	Dragana Petrović	Kozmetički salon	NE
25	Glisa Tunturaš	Apiterapija u pčelarstvu	NE
26	Ivana Jovanović	Dječija igraonica/rođendaonica	NE
27	Violeta Krajišnik	"Čobančica" brend domaćih sireva	DA

\*Napomena: Prema *Pravilniku o načinu dodjele bespovratne finansijske podrške*, obuka se smatra uspješno završenom ukoliko je učesnik prisustvovao na **minimalno 80%** obuke.

## **Aneks 2: Isplaćena finansijska sredstva, Impact Inkubator poslovnih ideja na području grada Bijeljina**

Trenutno su potpisana tri ugovora, ali do sada nije izvršena nijedna isplata. U skladu s ugovornim obavezama, rok za isplatu je do 31.5.2025. godine, te se očekuje potpisivanje ugovora za preostalih šest (6) poduzetnika, te realizacija za svih devet (9) poduzetnika kojima je odobrena bespovratna finansijska podrška od strane Komisije za validaciju poslovnih ideja u predviđenom vremenskom okviru .

Senajid Đozo, Izvršni direktor

